



Publicaziuns dalla vischnaunca, jamna 4

Damonda da baghegiar 2014-1000.000

Datum dalla publicaziun: 24 da schaner 2014

Il patrun: Claustra da Mustér, Via Claustra 3, 7180 Disentis/Mustér

Il representant: Reichle Timon, Via Claustra 3, 7180 Disentis/Mustér

Object: Sanaziun dalla piazza avon Claustra, parcella 580, Via Claustra, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da schaner 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

2013 – 1053.000

Clemens Berther-Bearth, Via Salez 3, 7186 Segnas, sanaziun dil tetg-casa, cuvrada cun collecturs fotovoltaics resp. eternit, parcella 125, Via Salez 3, 7186 Segnas.

Disentis/Mustér, ils 20 da schaner 2014

Uffeci da baghegiar Disentis/Mustér

Cussegl da vischnaunca

Ils cussegls da vischnaunca da Tujetsch e Mustér seradunan venderdis, ils 24 da schaner 2014, allas 20.15 en sala da gimnastica a Sedrun.

Tractandas:

1. Beinvegna ed avertura
2. Lescha davart la taxa da cura e la taxa per promover il turissem: Revisiun parziala (messadi)
3. Informaziuns

Il president dil cussegl da vischnaunca

Scola Mustér: Elecziun Fabian Tschuor

Gliendisdis, ils 13 da schaner 2014 ha il cussegl da scola elegiu Fabian Tschuor da Mustér sco niev scolast pil scalem superiuor. El ei carschiu si a Mustér e terminescha igl atun sia scolaziun sco scolast pil scalem superiuor all'universitad da Friburg. Fabian Tschuor vegn a surpender in pensum parzial plus era l'1. reala sco scolast da classa.

Kai Hinrichsen, meinascola



Apparats d'udida

Gliendisdis, ils 27 da schaner 2014 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalisau:

- Mustér naven dallas 14.00–ca. las 15.15
- Curaglia naven dallas 15.30–ca. las 16.30

L'union Pro Audito Chur, cun signur Arthur Jacomet fa quei survetsch per tuts interessents gratuita-mein.

Cordiala invitaziun

Center da sanadad Sursassiala SA

Secziun da catschadurs Péz Alpetta

Radunonza generala

Sonda, ils 25 da schaner 2014 allas 20.15 el hotel «Sax».

Pendicularas Mustér

Nus offerin allas senioras (64 onns) ed als seniors (65 onns) dil cantun Grischun empau variaziun duront il meins da schaner. Vus saveis aschia profitar da suandonta purschida: **Naven da gliendisdis, ils 13 da schaner, tochen venderdis, ils 24 da schaner 2014**, mintga di viadis gratuits cun la pendiculara a Caischavedra.

Uniun Purila Mustér

Radunonza generala ils **31 da schaner 2014**, allas 20.15 el hotel Pazzola a Mustér.

Cordialmein envida

la Suprastonza